

որ հետզհետէ գիւղացու կայքը՝ հողը ընկնում է վաշխառուի ձեռքը և այնուհետև նա դառնում է քաղաքացու արծաթագին ստրուկը:

Այն գիւղացիներ, որոնք յանկարծական պիտոյքի համար ծախում են իւրեանց ցանածի, աշնցանի կամ գարնցանի կանաչը, որովհետև այդ կանաչների արդիւնքը ակներև չէ, քաղաքացիք ամենաչնչին գներով տէր են դառնում գիւղացու քրտանց արդիւնքին:

Երբ գիւղացին որևէ կերպով վտանգվում է, օրինակ եթէ գողանում, հափշտակում են նորա եղները, անասունները, կամ վարակիչ հիւանդութիւններից սատակում են, եթէ այրում են նորա դէզը և մարագը, եթէ երաշտից, մորեխից, մկներից ոչնչանում է նորա ցանքը այսպիսի հազար մի տեսակ հանգամանքներին ենթարկված գիւղացին, փոխատու ընկերութիւններ չը լինելուց, վերականգնելու մտք, դիմում է վաշխառուին, զնում է նրա ոտի տակ իւր տունը, տեղը, կայքը հողի սեփականութեան իրաւունքը և ստանում է ցանկացած փոխը, այնպիսի պայմաններով և տոկոսով, որ երբէք չի կարողանալու հատուցանել ու այդպիսով գիւղական ընտանիքներ կործանվում են անկանգնելի կերպով: \*)

\*) Որքան որ գիւղերը աւելի մօտ են քաղաքին, այդչափով էլ աւելի խիստ ենթարկված են քաղաքացոց հա-